

Buat kejutan, Rahmad Mega menyanyi di majlis konvokesyen anak

[Gempak](#) | 📅 November 12, 2018 10:15 MYT



Rahmad akui terharu dan bersyukur dengan pencapaian anaknya dalam bidang akademik. - Foto Astro GEMPAK
PENYANYI Rahmad Mega membuat kejutan dengan menyanyi di Majlis Konvokesyen Ke-13 di Universiti Malaysia Pahang (UMP) kampus Gambang ketika anaknya menerima ijazah di universiti tersebut.

Anak sulungnya, Suhazri Amrin, 23, menerima Ijazah Sarjana Muda (Kepujian) Kejuruteraan Elektrik dan Elektronik yang disampaikan oleh Ahli Lembaga Pengarah UMP, Datuk Aishah Shaikh Ahmad.

Rahmad menghiburkan hadirin dengan mendendangkan lagu poplarnya, Bayangan Gurauan.

Menurut Rahmad, dia terharu dan bersyukur dengan pencapaian anaknya dalam bidang akademik. Anaknya kini sedang melanjutkan pengajian di peringkat sarjana di UMP.

"Saya sentiasa menyokong minat anak-anak dan keempat-empat mereka lebih cenderung dalam akademik, tidak seperti saya menceburi bidang seni. Saya sentiasa memberi galakan," katanya.

Sumber: Utusan Online

Tag: [Rahmad Mega](#), [anak](#), [ijazah](#), [Majlis Konvokesyen](#), [universiti](#), [Universiti Malaysia Pahang](#), [Gambang](#), [Bayangan Gurauan](#), [akademik](#), [sarjana](#), [Sarjana Muda](#), [penyanyi](#)